

ADMINISTRASYON RESOUS IMÈN VIL NEW YORK

Avi pou Odyans Piblik ak Posiblite pou Fè Kòmantè sou Règ nou Pwopoze an

Ki sa nou pwopoze a? Administrasyon Resous Imèn Vil New York (HRA) pwopoze pou amande Tit 68 Règ Vil New York pou mete yon novo Chapit 11 ladan I ki pral endike règ ki jere pwogram Chimen Kay la (Pathway Home) pou ede fanmi ki nan chèltè yo ale nan lojman avèk zanmi ak fanmi pandan jiska yon lane pandan y ap chèche yon lojman pèmanan. Pwogram lan pral disponib tou pou kèk moun Depatman Koreksyon Vil New York (New York City Department of Correction) ap libere. Pathway Home lan pral ranplase pwogram LINC 6 ki la kounye a ki limenm pa pral asepte novo aplikasyon yo ankò. Men, fanmi ki déjà ap patisipe nan LINC 6 yo pral kontinye kalifye pou renouvèlman si yo kontinye respekte egzijans pou renouvre pwogram LINC 6 lan.

Ki lè ak ki kote odyans lan apfèt? Administrasyon Resous Imèn Vil New York lan pral òganize yon odyans piblik sou règ yo pwopoze an. Odyans piblik lan pral fèt a 9è:30 nan maten jou k ap 21 out 2018 la. Yo pral òganize odyans lan nan 125 Worth Street, 2nd Floor, nan Manhattan. Tanpri antre nan Lafayette Street.

Ki jan pou mwen fè kòmantè sou règ yo pwopoze yo? Nenpòt moun kapab fè kòmantè sou règ yo pwopoze yo pamwayen:

- **Sitwèb.** Ou kapab soumet kòmantè w yo bay HRA atravè sitwèb règ NYC yo nan <http://rules.cityofnewyork.us>.
- **Imèl.** Ou kapab imèl kòmantè yo nan NYCRules@hra.nyc.gov. Tanpri mete "Pathway Home" nan liy sijè imèl ou.
- **Lapòs.** Ou kapab voye kòmantè yo pa lapòs nan:

Règ HRA
150 Greenwich Street, 38th Floor
New York, NY 10007

Tanpri di aklè w ap fè kòmantè sou règ Pathway Home lan.

- **Faks.** Ou kapab voye kòmantè yo pa faks nan (917) 639-0413. Tanpri mete "Pathway Home" nan liy sijè imèl ou.
- **Nan pran lapawòl nan odyans lan.** Nenpòt moun ki vle fè kòmantè sou règ yo pwopoze nan odyans piblik la dwe enskri non li pou l kapab pale. Rele nan 929-221-6690 pou w kapab enskri non w anvan odyans lan. Ou kapab tou enskri non w nan sal odyans lan anvan odyans lan kòmanse jou k ap 21 out 2018 lan. Ou kapab pale pandan jiska twa (3) minit.

Èske gen yon dat limit pou w soumet kòmantè yo? Dat limit pou w soumet kòmantè yo se 21 out 2018.

E si mwen bezwen èd pou m patisipe nan odyans lan?

Ou dwe di nou sa si w bezwen yon moun ki pou entèprete lang etranje, yon moun ki pou entèprete langaj siy oubyen yon aranjman ki rezonab pou moun ki gen yon andikap nan odyans lan. Ou kapab di nou sa lè ou voye nou yon kourye lapòs nan adres ki anlè a. Ou kapab di nou sa tou nan telefòn. Rele nan 929-221-6690. Yo mande yon preyavi pou pèmèt gen ase tan pou fè aranjman yo. Tanpri di nou sa anvan 14 out 2018.

Kote sa a genyen opsyon aksesibilite sa a (yo) ki disponib: kote sa a aksesib pou moun k ap itilize chèz woulant oubyen lòt aparèy pou yo kapab deplase. Pou demann amplis ki konsène aksesibilite, tanpri kontakte HRA pa lapòs oubyen nan telefòn, jan yo esplike l'anlè an anvan 14 out 2018.

Èske mwen kapab revize kòmantè ki fèt sou règ yo pwopoze yo? Ou kapab revize kòmantè yo fè sou entènèt sou règ yo pwopoze yo lè w ale sou sitwèb lan nan <http://rules.cityofnewyork.us/>. Nan kèk jou apre odyans lan, kopi tout kòmantè moun soumett sou entènèt, kopi tout kòmantè moun fè alekri yo ak yon rezime kòmantè oral moun fè konsènan règ yo pwopoze an pral disponib pou publik la sou sitwèb HRA lan.

Kisa ki otorize HRA fè règ sa a? Seksyon 603 ak 1043 Manman-Lwa Vil la, Seksyon 34, 56, 61, 62, 77 ak 131-a Lwa New York sou Sèvis Sosyal (New York Social Services Law) la otorize HRA pou fè règ sa a yo pwopoze a.

Ki kote mwen kapab jwenn règ HRA yo? Règ HRA yo endike nan Tit 68 Règ Vil New York.

Ki lwa ki reji pwosesis pou fè règ lan? HRA dwe respekte kondisyon Seksyon 1043 Manman-Lwa Vil la lè y ap kreye oubyen chanje règ yo. Yo fè avi sa a dapre kondisyon Seksyon 1043 Manman-Lwa Vil la.

Deklarasyon Rezon ak Objektif

Nan kad konsolidasyon anpil nan pwogram èd pou lwave Vil la nan yon sèl pwogram ki rele CITYFHEPS, HRA ap pwopoze yon règ pou Pwogram Pathway Home lan k ap ede fanmi ki nan chèltè yo ale nan lojman avèk zanmi ak fanmi pandan jiska yon lane pandan y ap chèche yon lojman pèmanan. Pwogram lan disponib pou fanmi ki te nan yon chèltè Depatman Sèvis Sanzabri Vil New York pandan omwen 90 jou oswa ki nan yon chèltè DHS epi ki gen yon lèt sètifikasyon CITYFHEPS epi ki te idantifye yon “fanmi dakèy” ki vle resevwa yo pandan jiska yon lane. Peman pa mwa yo bay fanmi akèy yo pral jeneralman soti nan \$1,200 pou rive \$1,800 selon kantite moun ki nan fanmi y ap resevwa a. Dapre règ sa yo pwopoze a, pwogram lan pral disponib tou pou kèk moun Depatman Koreksyon Vil New York (New York City Department of Correction) ap libere.

Yo pa pral ofri fanmi ki nan chèltè yo Pwogram pou Regwoupe Fanmi ak Zanmi pwogram LINC VI lan ankò. Men, li pral kontinye pou fanmi ki déjà ladan I yo. Se yon pwogram yo te mete sou pye sa fè de (2) lane desa epi ki gen peman ki disponib pou li pou jiska senk (5) lane. Menm si pwogram LINC VI lan te ede anpil fanmi soti nan chèltè, yo prevwa delè pi kout pwogram Pathway Home lan ak pi gwo kòb yo peye fanmi akèy yo pa mwa a pral pèmèt plis fanmi kite chèltè yo ladan I lan pandan I ap ba fanmi sa yo mwayen pou yo al rete nan kay pa yo.

Yo souliyen nouvo enfòmasyon yo.

Administrasyon Resous Imèn Vil New York pwopoze pou amande Tit 68 Règ Vil New York pou mete yon nouvo Chapit 11 ladan ki pral li konsa:

§ 11-01 Definisyon yo.

(a) “Fanmi” an vle di moun ki te aplike pou èd pwogram Pathway Home oswa ki gen peman Pathway Home fè sou non yo.

(b) “Fanmi dakèy” vle di tout moun, anplis fanmi an, k ap viv oswa ki gen entansyon viv nan kay kote yo pral aplike peman Pathway Home lan. Yon fanmi akèy dwe gen ladan I lokatè prensipal la epi li ka gen yon sèl moun ladan I.

(c) “Pwogram Pathway Home” vle di pwogram yo mete sou pye dapre chapit sa a.

- (d) Yon “patisipan nan pwogram” vle di yon moun nan fanmi an ki granmoun.
- (e) Yon “lokatè prensipal” se moun ki gen responsabilite prensipal pou peye lwave a chak mwa pou kay fanmi akèy lan oswa pwopriyetè kay sa a. Lokatè prensipal la dwe ap viv nan kay sa a.
- (f) “HRA” vle di Administrasyon Resous Imèn Vil New York (New York City Human Resources Administration).
- (g) “DHS” vle di Depatman Sèvis Sanzabri Vil New York.
- (h) “Depatman Sèvis Sosyal Vil New York” oswa “DSS” vle di antite ki genyen ladan li HRA ak DHS.
- (i) “Manm Komisyon” an vle di Manm Komisyon DSS la oswa moun Manm Komisyon an deziyen.
- (j) Yon “Chèltè DHS” vle di yon chèltè ki anba kontwòl DHS oswa yo jere sou non DHS.
- (k) Yon “chèltè DHS pou fanmi” se yon chèltè pou fanmi ki gen timoun oswa fanmi ki gen granmoun ki anba kontwòl DHS oswa yo jere sou non DHS.
- (l) Yon “Chèltè DHS pou yon sèl granmoun” vle di yon chèltè pou yon sèl granmoun ki anba kontwòl DHS oswa yo jere sou non DHS.
- (m) “PA” (èd piblik) vle di avantaj èd piblik, tankou sibvansyon ak alokasyon pou chèltè chak mwa, nou bay anba pwogram Èd pou Fanmi yo dapre Lwa New York sou Sèvis Sosyal § 349 ak/oswa Pwogram Èd Safety Net dapre Lwa New York sou Sèvis Sosyal § 159, ak règleman nou pibliye annapre yo.
- (n) “Revni ou Antre” defini epi kalkile jan sa endike nan Seksyon 352.17 Tit 18 Kòd, Règ, ak Règleman New York, men li pa gen ladan I revni ou reyalize nan patisipasyon w nan Pwogram JTP ak Pwogram SYEP la, ki defini nan sou-divizyon (q) ak (r) seksyon sa a.
- (o) “Revni ou Antre san Travay” defini epi kalkile jan sa endike nan Seksyon 387.10 Tit 18 Kòd, Règ, ak Règleman New York, men li dwe gen ladan sèlman revni ou touche souvan. Yo pa ta dwe konsidere okenn kontribisyon yon lòt moun bay fanmi an pou l peye yon pati nan pri lwave fanmi an tankou yon revni.

(p) “Revni anvan Dediksyon” vle di kantite lajan ou touche nan travay ak kantite lajan ou touche san travay, jan li defini nan seksyon (o) ak (p) sa a. Yo pa dwe aplike dediksyon sou revni yo, ak sa yo prevwa nan Seksyon 387.12 Tit 18 Kòd, Règ ak Règleman New York la lè y ap kalkile yon revni anvan dediksyon yon fanmi.

(q) “JTP” an vle di Pwogram Fòmasyon pou Travay HRA ap jere kote ajans nan Vil yo bay moun k ap resevwa èd piblik (PA) yo fè espèryans travay ki peye yo ak fason pou devlopman pwofesyonèl yo.

(r) “Pwogram SYEP” vle di Pwogram Travay pou Jenn yo pandan Vakans Peryòd Lete Depatman pou Developman Jenn ak Kominote Vil New York ap jere pou bay moun k ap viv nan Vil New York yo ki gen ant katòz e vennkat lane yo opòtinite pou yo jwenn travay ki peye yo pandan vakans peryòd lete a.

(s) “Sanzabri ki nan lari” vle di moun ki: (1) k ap viv nan lari oswa yon kote ki pa fèt pa moun viv epi ki te resevwa sèvis pou jere dosye I pandan omwen 90 jou nan men yon moun k ap travay ak moun lari yo DHS bay kontra pou sa; (2) ki te resewa sèvis pou jere dosye I pandan omwen 90 jou nan men yon moun DHS bay kontra pou sa nan yon sant pou moun san resous oswa nan yon anviwònman lojman tranzisyonèl; oswa (3) ki te resevwa sèvis pou jere dosye I nan men yon moun k ap travay ak moun lari yo DHS bay kontra pou sa, pandan I ap viv nan lari oswa yon kote ki pa fèt pou moun viv, oswa nan yon sant pou moun san resous oswa yon anviwònman lojman tranzisyonèl, yo te mete nan yon lojman pèmanan epi k ap resevwa sèvis suivi kounye a.

§ 11-02 Administrasyon Pwogram Chimen Kay (Pathway Home Program).

HRA dwe administre Pwogram Pathway Home, men HRA dwe pran premye desizyon sou kalifikasyon dapre seksyon 11-03 chapit sa a nan tèt ansanm avèk DHS.

§ 11-03 Kalifikasyon.

(a) Pou I kalifye pou pwogram Pathway Home lan, yon fanmi dwe satisfè kondisyon kalifikasyon ki endike anba la yo:

(1) Fanmi an dwe respekte youn nan kondisyon sa yo:

(A) Fanmi an rete nan chèltè DHS epi

(i) li gen yon tan yo otorize l pou rete nan chèltè a jan sa defini nan sou-
divizyon (b) seksyon sa a;

(ii) li gen yon lèt sètifikasyon CITYFHEPS dapre seksyon 10-04(c) chapit
sa a;

(B) Fanmi an sanzabri nan lari; oswa

(C) Fanmi ki gen ladan l yon moun ki te rete nan yon chèltè DHS anvan
Depatman Koreksyon Vil New York te libere l, epi Manm Komisyon an te deside
Pwogram Pathway Home lan nesesè pou evite moun lan re-antre nan yon chèltè
DHS.

(2) Fanmi an dwe gen revni total anvan dediksyon ki pa depase 200 poustan nivo federal
pou povrete a jan Depatman Sante ak Sèvis Sosyal Etazini (U.S. Department of Health
and Human Services) detèmine sa chak ane.

(3) Si fanmi an p ap resevwa èd piblik (PA) nan moman an, fanmi an dwe aplike pou
nepòt èd ki disponib selon Pati 352 Tit 18 Kòd Règ ak Règleman New York HRA te
deside fanmi an ka kalifye pou li.

(4) Tout moun nan fanmi an ki kalifye pou èd piblik (PA) dwe ap resevwa èd piblik.

(5) Si fanmi an nan yon Chèltè DHS pou Fanmi, fanmi an dwe kalifye pou chèltè jan
DHS detèmine sa dapre Pati 351 ak 352 Tit 18 Kòd, Règ ak Règleman New York yo.

(6) HRA pa dwe te fè peman Pathway Home anvan nan non fanmi an.

(7) Fanmi an dwe te idantifye yon fanmi akèy, ki gen ladan manm fanmi oswa zanmi
moun fanmi an ki nan Vil New York, ki dakò pou kite fanmi an viv nan kay la epitou pou
resevwa yon lwave chak mwa nan men HRA nan non fanmi an ki pa depase kantite
lanplas ki endike nan tablo nan seksyon 11-04 chapit sa a.

(8) Fanmi akèy la ak kay fanmi akèy la dwe satisfè kondisyon seksyon 11-07(h) chapit
sa a.

(b) Limitasyon ak Tan ki Otorize nan Chèltè.

(1) Tan ki Otorize nan Chèltè: Yon moun ki rete yon chèltè DHS pou fanmi gen yon tan yo otorize I pou rete nan chèltè a pou rezon seksyon 11-03(a)(1)(A)(i) si fanmi an te rete nan yon chèltè HRA oswa DHS pandan omwen 90 jou anvan apwobasyon an, san konte peryòd absans nan chèltè a pou jiska dis (10) jou almannak epi li kalifye pou chèltè jan DHS detèmine sa a dapre Pati 351 ak 352 Tit 18 Kòd, Règ ak Règleman New York oswa jan HRA detèmine sa dapre Seksyon 452.2(g) ak 452.9 Tit 18 Kòd, Règ ak Règleman New York. Yon moun ki nan yon chèltè DHS pou yon sèl granmoun pral gen yon tan yo otorize I pou rete nan chèltè a pou rezon seksyon 11-03(a)(1)(A)(i) si moun lan te viv nan yon chèltè HRA oswa DHS pandan omwen 90 jou nan 365 jou anvan apwobasyon an.

(2) Limitasyon ki Otorize nan Chèltè. Manm Komisyon an ka fikse yon dat pou tan ki otorize nan chèltè dwe kòmanse, pou rezon seksyon 11-03(a)(1)(A)(i), apre yon evalyasyon: kondisyon mache lojman yo, to itilizasyon chèltè yo ak finansman ki disponib lan, lè Manm Komisyon an deside yon dat limit nesesè pou kenbe pwogram lan aktif. Manm Komisyon an ka retire dat limit sa a apre I fin analize kondisyon mache lojman yo, to itilizasyon chèltè yo ak finansman ki disponib lan.

(c) Yo dwe soumèt aplikasyon yo sou yon fòm ak nan yon fòm HRA detèmine.

(d) Nan moman apwobasyon an, HRA pral kalkile peman pwogram Pathway Home fanmi an dapre seksyon 11-04 chapit sa a. Yo pral apwouve peman yo pou yon lane epi, sof jan sa endike nan seksyon 11-05 ak 11-07(g) chapit sa a, peman yo pa pral chanje pandan peryòd patisipasyon fanmi an nan pwogram lan.

§ 11-04 Kalkil Peman Pathway Home Chak Mwa ba fanmi akèy yo.

(a) Sof jan sa endike nan sou-divizyon (b) ak (c) seksyon sa a oswa kote fanmi akèy lan te mande pou I resevwa yon peman pa mwa ki pi ba, HRA dwe peye fanmi akèy lan kantite sa yo pa mwa pandan yon peryòd ki ale jiska yon lane pandan fanmi an kontinye rete nan kay la:

<u>Peman pwogram Pathway Home yo</u>			
<u>Kantite Moun ki nan</u>	<u>1 oswa 2</u>	<u>3 oswa 4</u>	<u>5 oswa plis</u>
<u>Fanmi an</u>			
<u>Peman pa Mwa ba</u> <u>fanmi akèy</u>	<u>\$1200</u>	<u>\$1500</u>	<u>\$1800</u>

(b) Kote lokatè prensipal la ap resevwa Èd Biblik, peman pwogram Pathway Home yo pa dwe depase diferans ant obligasyon pou peman lokatè prensipal la pou kay la ak alokasyon pou chèltè lokatè prensipal la dapre Seksyon 352.3 Tit 18 Kòd, Règ ak Règleman New York nan moman dat kontra lwave a oswa kontra lokasyon an fanmi an anplas.

(c) Kote fanmi akèy la rete nan yon apatman ki gen pri lwave ki estab, peman pwogram Pathway Home yo pa dwe depase pati pwopòsyonèl pri lwave fanmi an dapre Seksyon 2525.7 Tit 9 Kòd Règ ak Règleman New York yo. Kote fanmi dakèy la rete nan yon apatman ki gen pri lwave ki kontwole, peman Pathway Home yo pa dwe depase kantite mèt kay la ap mande lokatè prensipal la.

§ 11-05 Demenajman yo.

(a) Yon fanmi HRA ap fè peman pwogram Pathway Home yo nan non li pa dwe demenaje pou I ale nan yon lòt kay epi li dwe toujou kalifye pou pwogram Pathway Home lan, sof avèk apwobasyon HRA epi si demenajman an dwe fèt nan yon kay ki andedan Vil New York. Moun k ap patisipe nan pwogram lan dwe jwenn apwobasyon an anvan yo demenaje pou ale nan yon lòt kay, depi HRA ka konsidere yon demann pou apwobasyon yo fè apre demenajman an si yon moun k ap patisipe nan pwogram lan pa kapab jwenn apwobasyon sa a anvan demenajman an akòz sikonstans ki pa depanne volonte moun k ap patisipe nan pwogram lan. Si fanmi an ap demenaje pou al viv avèk fanmi akèy li kounye a nan yon nouvo kay, HRA dwe bay apwobasyon pou demenajman an si nouvo kay la pase evalyasyon pou yo wè si l gen sekirite epi si moun kapab viv ladan I dapre seksyon 11-07(h) chapit sa a. Nan tout lòt sitiyasyon yo, HRA dwe bay apwobasyon pou yon demenajman pou kite yon kay pou ale nan yon lòt kay sèlman si moun k ap patisipe nan pwogram lan montre gen yon rezon ki valab pou demenajman an.

(b) Si HRA apwouve yon demenajman pou yo ale nan yon lòt kay, HRA dwe, si li aplikab, re-kalkile peman pwogram Pathway Home yo epi peman yo pa dwe chanje pandan rès tan fanmi an rete kalifye pou pwogram Pathway Home lan, sof si genyen yon lòt demenajman k ap fèt.

§ 11-06 Randevou nan Ajans lan pou Revizyon ak Pwosesis Kontestasyon Administratif DSS.

(a) Dwa pou Revizyon Administratif DSS.

Yon moun k ap aplike oswa nouvo oswa ansyen patisipan nan pwogram lan ka mande yon randevou avèk ajans lan pou revizyon ak/oswa yon odyans administratif DSS pou chèche jwenn revizyon nenpòt desizyon oswa aksyon HRA fè dapre sou-chapit sa a, epitou si HRA pa fè aksyon, oswa HRA pa fè aksyon avèk rapidite rezonab pou aplike dispozisyon sou-chapit sa a.

(b) Randevou pou Revizyon nan Ajans lan.

(1) Si yon moun mande yon randevou avèk ajans lan pou revizyon dapre sou-divizyon (a) seksyon sa a, HRA dwe fè yon revizyon enfòmèl epi eseye rezoud pwoblèm yo soulve yo.

(2) Yon moun ka mande yon randevou avèk ajans lan pou revizyon san I pa mande yon odyans administratif DSS tou. Mande yon randevou pou revizyon avèk ajans lan pa pral anpeche moun lan mande yon odyans administratif DSS annapre.

(3) Yon moun dwe mande yon randevou pou revizyon nan ajans lan nan swasant jou apre yon desizyon oswa aksyon moun lan konteste a, depi yo pwogramme yon odyans administratif DSS, moun lan dwe mande yon randevou pou revizyon ajans lan yon fason rezonab anvan dat ki pwogramme pou odyans lan.

(4) Yon demann pou yon randevou pou revizyon ajans lan ap pwolonje peryòd tan pou mande yon odyans administratif DSS jan sa endike nan paragraf (2) sou-divizyon (c) seksyon sa a nan swasant jou apre dat randevou pou revizyon ajans lan.

(c) Demann pou yon Odyans Administratif DSS.

(1) Yon demann pou gen odyans administratif dwe fèt alekri. Ou dwe soumèt demann alekri sa a pa lapòs, nan mwayen elektwonik oswa nan faks, oswa nan lòt mwayen jan DSS ka endike nan yon avi kontestasyon.

(2) Sof jan sa endike nan paragraf (4) sou-divizyon (b) seksyon sa a, yon demann pou yon odyans administratif dwe fèt nan swasant jou apre detèminasyon oswa aksyon moun nan konteste a.

(d) Reprezantan Otorize.

(1) Sof kote li pa posib pou egzekite yon otorizasyon alekri, si yon moun oswa yon òganizasyon ap chèche reprezante yon moun ki te mande yon randevou oswa yon odyans dapre seksyon sa a dwe gen otorizasyon alekri moun lan pou reprezante li nan yon randevou pou revizyon avèk ajans lan oswa nan yon odyans administratif pou revize dosye li, depi yon avoka moun sa a angaje a pa egzije otorizasyon elekri sa a. N ap konsidere yon anplwaye avoka a kòm yon reprezantan otorize si anplwaye a prezante otorizasyon alekri avoka a ba li oswa si avoka a mande DSS otorizasyon anplwaye a pa telefòn.

(2) Depi DSS resevwa avi ki endike yon moun oswa yon òganizasyon te jwenn otorizasyon pou reprezante yon moun nan yon randevou pou revizyon avèk ajans lan oswa pou odyans administratif lan, reprezantan sa a pral resevwa kopi tout lèt DSS voye ba moun lan ki gen pou wè ak randevou lan ak odyans lan.

(e) Kontinyasyon Èd la.

(1) Si yon patisipan nan pwogram lan mande yon kontestasyon administratif yon desizyon HRA te pran ki endike peman pwogram Pathway Home yo dwe redui, dwe gen restriksyon ladan, dwe sispann oswa dwe fini, patisipan sa a nan pwogram lan dwe gen dwa pou kontinye resevwa peman pwogram Pathway Home yo nan kantite ki anvigè nan moman desizyon an jiskaske yo pran yon desizyon sou odyans lan dapre sou-divizyon (I) seksyon sa a, depi:

(A) moun k ap patisipe nan pwogram lan mande kontestasyon administratif la nan dis jou apre yo voye avi desizyon an ba li pa lapòs; epi

(B) kontestasyon an baze sou yon reklamasyon kalkil ki pa kòrèk oswa yon desizyon sou done ki pa kòrèk.

(2) Pa gen okenn dwa pou peman èd pou lwaye pwogram Pathway Home lan kontinye dapre sou-divizyon sa a kote sèl pwoblèm sou kontestasyon an se yon pwoblèm

règleman lokal, règleman Eta oswa règleman federal, oswa chanjman nan lwa lokal, lwa Eta oswa lwa federal.

(3) Peman èd pou lwave pwogram Pathway Home lan pa pral kontinye annatandan yo pran yon desizyon sou odyans lan lè:

(A) moun k ap patisipe nan pwogram lan abandone dwa li poukont li alekri pou èd sa a kapab kontinye; oswa

(B) moun k ap patisipe nan pwogram lan pa prezante nan odyans administratif la epi li pa gen yon bon rezon valab pou li pa t prezante.

(C) Yo te deja peye douz mwa peman pwogram Pathway Home yo nan non yon fanmi.

(4) Si yon moun k ap patisipe nan pwogram lan mande yon lòt kontestasyon dapre sou-divizyon (m) seksyon sa a, peman pwogram Pathway Home yo pral kontinye san rete apre yo fin pran desizyon sou odyans lan jiskaske yo pran yon desizyon alekri dapre sou-divizyon (l) seksyon sa a, sof si yo deja peye douz mwa pwogram Pathway Home yo nan non yon fanmi.

(f) Avi.

DSS dwe bay moun ki te mande yon odyans dapre seksyon sa a yon avi pou dat, lè ak kote odyans administratif la pral fèt nan mwens pase sèt jou almannak anvan dat ki pwogramme pou odyans administratif la, sof si pwoblèm ki kache anba demann pou gen yon odyans administratif te rezoud epi si moun lan te anile demann li te fè pou gen odyans lan.

(g) Egzamen Dosye a.

Moun ki te mande yon randevou oswa yon odyans dapre seksyon sa a oswa reprezantan otorize li gen dwa pou egzamine sa ki nan dosye pwogram Pathway Home li an, si gen youn ki egziste, ak tout dokiman ak dosye HRA gen entansyon itilize nan odyans administratif la. Sou demann pa telefòn oswa alekri, HRA dwe bay moun sa a kopi tout dokiman sa yo, ak kopi nenpòt dokiman anplis HRA genyen moun lan idantifye ak mande pou li prepare pou odyans administratif la. HRA dwe bay dokiman sa yo gratis nan yon tan ki rezonab anvan odyans administratif la. Si demann pou dokiman yo fèt nan mwens pase senk (5) jou ouvrab anvan

odyans administratif la, HRA dwe bay moun lan kopi dokiman yo anvan lè odyans administratif la.

(h) Ajounman.

Ofisye odyans administratif la ka ranvwaye odyans administratif la pou rezon ki valab selon mosyon pa li oswa sou demann moun ki te mande odyans lan oswa reprezantan otorize yo an, oswa HRA.

(i) Òganizasyon Odyans Administratif la.

(1) Se yon ofisye odyans san patipri ki dwe fè odyans administratif la. Ofisye sa a dwe jwenn deziyasyon HRA ki dwe gen pouvwa pou administre deklarasyon sou sèman epi ki dwe bay asiyasyon pou prezante epitou ki pa dwe gen konesans pèsonèl davans sou enfòmasyon konsènan desizyon oswa aksyon moun lan konteste a.

(2) Odyans administratif la dwe enfòmèl, tout prèv enpòtan ak prèv kle yo dwe admisib epi règ legal prèv yo pa dwe aplike. Odyans administratif la dwe baze sèlman sou pwoblèm reyèl ak pwoblèm legal yo endike konsènan detèminasyon espesyal (yo) ki lakòz te gen yon demann pou gen yon odyans administratif.

(3) Moun ki te mande odyans la dwe gen yon dwa pou avoka oswa lòt reprezantan reprezante li, pou li bay temwayaj, pou vini avèk temwen pou bay temwayaj, pou bay prèv nan dokiman, pou bay prèv ki pa dakò avèk prèv HRA prezante yo, pou mande ofisye odyans lan pou bay asiyasyon pou prezante, epitou pou egzamine nenpòt dokiman HRA bay.

(4) Yo dwe fè yon anrejistreman odyo, yon anrejistreman odyo-vizyèl oswa yon transkripsyon alekri odyans administratif la.

(j) Abandon Demann pou Odyans Administratif.

(1) DSS pral konsidere yo abandone demann pou jwenn odyans administratif la si ni moun ki te mande odyans lan ni reprezantan otorize li pa prezante nan odyans administratif la, sof si swa moun lan swa reprezantan otorize li te:

(A) kontakte DSS anvan odyans administratif la pou mande pou re-pwogramme odyans administratif la; oswa

(B) nan kenz (15) jou almannak apre dat odyans administratif ki pwograme a, te kontakte HRA epi te bay yon rezon valab poutèt li pa t prezante nan odyans administratif nan dat ki pwograme a.

(2) DSS pral re-pwograme dosye a si moun ki te mande odyans lan oswa si reprezantan otorize li respekte kondisyon paragraf (1) sou-divizyon sa a.

(k) Dosye Odyans lan.

Anrejistreman oswa transkripsyon alekri odyans lan, tout papye ak demann ki fèt anrapò avèk odyans lan, ak desizyon odyans lan ansanm reprezante dosye konplè ak inik odyans administratif la.

(l) Desizyon Odyans lan.

Ofisye odyans lan dwe pran yon desizyon ki baze sèlman sou dosye odyans lan. Desizyon fèt pou alekri epi li dwe endike pwoblèm ki nan odyans administratif la, done enpòtan yo, ak lwa, règleman ki anvigè ak règleman ki apwouve, si genyen, kote desizyon an baze a. Desizyon an dwe idantifye pwoblèm yo dwe detèmine yo, fè konsta fè yo, endike rezon pou desizyon yo, epi lè li apwopriye, mande HRA pran yon mezi ki espesyal.

- (1) Y ap voye yon kopi desizyon an bay chak pati yo epi bay reprezantan otorize yo a, si genyen. Desizyon an dwe gen landan l yon avi alekri a ba moun ki te mande odyans sou dwa li genyen pou l konteste desizyon an ak pwosedi pou mande kontestasyon sa a.
- (2) HRA pa gen obligasyon pou respekte desizyon yon odyans ki depase otorite ofisye odyans lan oswa ki pa menm jan ak règ federal, Eta, oswa lokal sa yo. Si Manm Komisyon an deside HRA pa gen obligasyon pou l respekte desizyon yon odyans, li dwe fè moun ki te mande odyans konnen desizyon sa a san pèdi tan, ak rezon pou desizyon an. Yon avi konsa dwe fèt alekri epi li dwe fè moun lan konnen tou ki dwa l genyen pou fè yon kontwòl jidisyè.

(m) Lòt Kontestasyon.

- (1) Yon kontestasyon ki soti nan yon desizyon yon ofisye odyans ka fèt alekri pou bay Manm Komisyon an si DSS resevwa l atravè pwosedi ki dekri nan avi ki akonpaye

desizyon odyans lan nan yon delè apre DSS voye desizyon ofisye odyans lan. Dosye devan Manm Komisyon an dwe gen ladan dosye odyans lan, desizyon ofisye odyans lan ak nenpòt deklarasyon sou sèman, prèv ki nan dokiman, oswa diskisyon alekri moun k ap viv nan chèltè a oswa moun ki aplike a oswa moun k ap patisipe nan pwogram nan ka vle soumèt.

- (2) Manm Komisyon an dwe bay yon desizyon alekri ki baze sou dosye odyans lan ak nenpòt lòt dokiman moun k ap aplike a oswa moun k ap patisipe nan pwogram lan ak HRA soumèt.
- (3) Y ap voye yon kopi desizyon an, ansanm avèk avi alekri a ba moun k ap viv nan chèltè a oswa moun ki aplike a oswa moun k ap patisipe nan pwogram nan sou dwa li genyen pou mande yon kontwòl jidisyè, ba chak moun ki konsène epi ba reprezantan yo, si yo genyen.
- (4) Depi yo pibliye desizyon an, desizyon Manm Komisyon an pran dapre yon kontestasyon anba seksyon sa a se yon desizyon ki final epi li angaje HRA epi HRA dwe konfòme li avèk desizyon an.

§ 11-07 Lòt Dispozisyon.

- (a) Yo pral voye fanmi ki nan pwogram Pathway Home yo bay founisè sèvis ki pral ede yo konekte avèk sèvis apwopriye ki nan kominote yo a.
- (b) Yo p ap konsève lisdatant yo pou Pwogram Pathway Home lan.
- (c) HRA pral sèlman otorize yon fanmi pou l al rete avèk yon fanmi akèy k ap viv nan yon apatmmán ki sibvansyone sou yon baz dosye apre dosye.
- (d) Moun k ap viv nan chèltè yo responsab pou idantifye fanmi akèy posib yo.
- (e) Yo entèdi yon fanmi akèy k ap resevwa peman pwogram Pathway Home yo nan men HRA pou l egzije, mande oswa resewa lajan, pwodui oswa sèvis dirèkteman nan men fanmi an. Yon pral egzije yon fanmi akèy ki egzije, mande oswa resevwa lajan, pwodui oswa sèvis anplis peman pwogram Pathway Home yo pou li resevwa fanmi an pou li remèt HRA nenpòt peman pwogram Pathway Home.

(f) Fanmi akèy lan ak moun k ap patisipe nan pwogram lan dwe fè HRA konnen san pèdi tan si genyen yon novo moun vin rete nan kay fanmi akèy la oswa si tout fanmi an oswa nenpòt moun nan fanmi kite kay fanmi akèy la.

(g) Si fanmi an kite kay fanmi akèy la, fanmi akèy la dwe remèt tout peman yo pandan yon peryòd tan kote fanmi an pa t ap viv nan kay la. Si youn oswa plis moun nan fanmi an kite kay fanmi akèy la, HRA pral re-kalkile peman pwogram Pathway Home yo selon kantite moun nan fanmi an ki toujou ap viv nan kay la epi fanmi akèy la dwe remèt tout peman anplis yo.

(h) Nenpòt kay fanmi akèy dwe pase yon enspeksyon pou yo wè si l gen sekirite ak si moun kapab viv ladan I. Anplis:

- (1) Si fanmi an gen ladan yon moun ki poko gen dizuit (18) lane, fanmi akèy la dwe pase yon tès sekirite ki dwe gen ladan, omwen, yon evalyasyon nenpòt enfòmasyon ki gen nan Rejis Santral Abi ak Move Tretman sou Timoun nan Eta (Statewide Central Register of Child Abuse and Maltreatment) konsènan nenpòt moun nan fanmi an ak si nenpòt moun nan fanmi akèy anrejistre kòm yon delenkan seksyèl dapre Atik 6-C Lwa New York sou Koreksyon.
- (2) Si fanmi akèy la gen ladan yon moun ki poko gen dizuit (18) lane, fanmi an la dwe pase yon tès sekirite ki dwe gen ladan, omwen, yon evalyasyon nenpòt enfòmasyon ki gen nan Rejis Santral Abi ak Move Tretman sou Timoun nan Eta (Statewide Central Register of Child Abuse and Maltreatment) konsènan nenpòt manm fanmi an ak si nenpòt manm fanmi an anrejistre kòm yon delenkan seksyèl dapre Atik 6-C Lwa New York sou Koreksyon.

(i) Si yo deside nenpòt moun ki nan fanmi an kalifye pou chèltè HRA selon Seksyon 452.9 Tit 18 Kòd, Règ ak Règleman New York yo, fanmi an pa dwe genyen yon moun ladan I ki fè vyolans nan kay ki lakòz yo te pran desizyon sa a.

(j) Kantite fanmi ki kalifye ki kapab jwenn apwobasyon pou resevwa peman pwogram Pathway Home yo dapre seksyon sa a pral limite dapre kantite lajan finansman ki disponib.

**DEPATMAN JIRIDIK VIL NEW YORK
DIVIZION KONSÈY JIRIDIK
100 CHURCH STREET
NEW YORK, NY 10007
212-356-4028**

KONFIMASYON DAPRE

§ 1043(d) MANMAN-LWA VIL LA

TIT RÈG LA: Nouvo pwogram èd pou lwaye Vil la ki rele Pathway Home

NIMEWO REFERANS: 2018 HRA 007 (Pathway Home)

AJANS KI PREPARE RÈG LA: Administrasyon Resous Imèn (Human Resources Administration)

Mwen konfime biwo sa a te analize règ yo pwopoze an ki endike anwo a jan seksyon 1043(d) Manman-Lwa Vil New York lan egzije l, epi règ yo pwopoze ki endike anwo a:

- (i) yo prepare l pou l reyalize objektif dispozisyon lwa ki bay otorizasyon an;
- (ii) li pa nan konfli avèk lòt règ ki anplas;
- (iii) nan limit ki posib ak apwopriye, yo prepare l sèlman pou l reyalize objektif li endike an; epi
- (iv) nan limit ki posib ak apwopriye, li gen yon deklarasyon debaz ak objektif ki bay yon eksplikasyon ki klè sou règ lan ak kondisyon règ la enpoze.

/Siyati/ STEVEN GOULDEN
Konseye Jiridik Pwovizwa Depatman Zafè Jiridik

Dat la: 11 jiyè 2018

**NEW YORK CITY MAYOR'S OFFICE OF OPERATIONS
253 BROADWAY, 10th FLOOR
NEW YORK, NY 10007
212-788-1400**

**KONFIMASYON / ANALIZ
DAPRE SEKSYON 1043(d) MANMAN-LWA A**

TIT RÈG LA: Nouvo pwogram èd pou lwaye Vil la ki rele Pathway Home

NIMEWO REFERANS: HRA-20

AJANS KI PREPARE RÈG LA: Administrasyon Resous Imèn (Human Resources Administration)

Mwen konfime biwo sa a te analize règ yo pwopoze an ki endike anwo a jan seksyon 1043(d) Manman-Lwa Vil New York lan egzije l, epi règ yo pwopoze ki endike anwo a:

- (i) Fasil pou konprann epi li ekri nan langaj òdinè pou kominote a oswa kèk kominote yo kontwole apa;
- (ii) Diminye nèt frè pou peye pou kominote oswa kèk kominote yo kontwole apa ki annamoni avèk reyalizasyon objektif règ la ki endike a; epi
- (iii) Pa bay yon peryòd atant paske li pa pwouve yon vyolasyon, modifikasyon yon vyolasyon oubyen modifikasyon sanksyon ki asosye avèk yon vyolasyon.

/siyati/ ALEXANDRA OZOLS
Biwo Operasyon Majistra

12 jiyè 2018
Dat la